

MEFIBOSHETE



Kalolo Ka Fumu Dafidi Kwi Mefiboshete

(Kifwatulo kya kalolo k'Efile-Mukulu)

« Yonatane, mwana a Shawula, baadi mwana mulume badi na kilema ku mikoolo, pa balombeshe bipwa 5, kubafikile mwanda ku shisalele wa lufu lwa Shawula na mwan'aye Yonatane booso ; bamudishanga bamwatshile na basukile naye, na bubibaadi alwila bwashi asukye naye, baponene, n'aye nkushala asumpikita, eshina dyaye dibaadi bu Mefiboshete ». (2 Samuele 4:4)

Misango ibungi, fumu Shawula baadi akimbi bya kwipa Dafidi anka Yonatane baadi kuuku a Dafidi na baadi amudimuna misusa ibungi ibaabadi abakyebe kumwipa, Shawula na baana baye balume babafu mu ngoshi ya bena peleshete, bekale beshikwanyu bena Isalele.

Dafidi Akyebe Kulesha Kwi Booso Babashadile Ba Mushibo Ya Shawula Kalolo K'Efile-Mukulu.

Kunyima kwa mafuku, mwilo ubatekyele Dafidi'shi ekale fumu aabo. Akupu, abo babapu ku mutula mu bu fumu bwaye, baadi munangusheene pa mwanda wa shibo ya mwishikwanyu naaye akala Shawula. Dafidi amba'shi : « Tankushale namu muntu ata umune amu shibo ya Shawula, bwashi nyi mu kitshine bibuwa pa mwanda wa Yonatane ? Byabya kubaadi muntu bafubanga mu shibo ya Shawula, eshina dyaye bu Teshiba, ababayitanyine kwi fumu Dafidi. Fumu bamulungwile'shi n'obe Teshiba ? na bamwalulwile'shi : Nee mufubi obe ! Fumu bamulungwile : Ta nkushaale muntu su ngumune amu shibo ya Shawula, bwashi nyi mukitshine kalolo k'Efile-Mukulu ? Na Teshiba balulwile fumu bino shi : nkushale mwana mulume umune a ku bana ba Yonatane, mwikale na tunekye (kilema) ku mikolo asumpikita, fumu Dafidi bamwambile'shi : Ekwikunyi ? na Teshiba kwandamuna fumu bino : Emu shibo ya Makile, mwana a Amiele ku londebala. Fumu Dafidi, bamutumine akamukimbe mu shibo ya Makile, mwana a Amiele ku londebala. Na Mefiboshete mwana a Yonatane, mwana a Shawula, bafikile pepi na Dafidi, bapoone kumpala na babandamine. Dafidi bamulungwile'shi : Mefiboshete ! Na balulwile bino'shi : muntu oobe byadibii. Davidi namu nkumulungula'shi : Totshinanga mwanda nankyebe nkukitshine

bibuwa pa mwanda wa Yonatane, shoobe. Nankakwalwisha bipindi bya nsenga byoso bya Shawula shoobe nadingi oyikala odi naami ku meesa ande mafuku ooso. Mefiboshete, bakupile mpala yaaye paashi amba shi : Ampika obe na nyi, bwashi otale mbwa mufwe, bu byandimi ? »

Dafidi Bapushishe Abesamba Mwanda Wa Mefiboshete

Mufubi umune a mu kifuko kya Shawula balungwile Dafidi mwanda wa mwana a Yonatane, Mefiboshete baadi na kilema. Mefiboshete baadi pa mwaba wabetanyina'shi Londebala : « Kupatuula nkwamba'shi : mwaba ushi bya kudya (ushi kimwaa) ». Pangi baadi na moo washi Dafidi amukimbi bwa ku mwipaa, pa mwanda wa bibubi bya shaye kulu Shawula. Tabaadi awuku'shi Dafidi akyebe ku mokitshina kalolo nya.

Atwe Booso, Bu Mefiboshete Tubaadi Kulupese

Esambi, adya kula bino « Takwi mululame suunga umune, suunga ngumune tekwanika ; takwi suunga ngumune ena kinangu, takwi suunga ngumune akimbi Efile-Mukulu ; booso bwabo ni mbalube, babeyikasha banabeene bu bantu ba bisumanga, takwi muntu akitshi bii buwa, takwi suunga ngumune » (Looma 3:10-12). Anka penda fumu Yesu ngi mupashi a baaba booso abatulu lukumiino lwabo mwadi. Pabaadi bantu kula n'Efile-Mukulu, bafwe mu milwisho yaabo, byabya mu kalolo kaaye, Efile-Mukulu balumbulwile eshinda bwashi twikale naaye (ku meeso aye) kukidila ku kitako kilulame « Mwanda mwana a muntu namu tamufikye ku mwanda wa kufubulwa, anka kufubila na kupaana muwa waye bu nkuulo ya bebungi » (Maako 10:45).

Fumu Dafidi Atumu Bafubi Baye Ku Londebala Bwashi Bafikye Na Mefiboshete Kwaadi !

Mefiboshete, pakufika ku meeso kwa Dafidi, baadi na kwiwisha kooso, banyekyele mutwe paashi na kwamba'shi : « A mpika oobe nanyi bwashi atale namu Bwaa mufwe bu'mi ? » (2 Samuele 9:8).

« Bifundwe abyakula'shi : Efile-Mukulu, etupisheena na baasha kwitatula, apeya buntu kwi baashakwiwisha. Kokyelangayi Efile-

Mukulu. Kandaminaayi kafilfile na akakenusuku. Eseseleeyi peepi n'Efile-Mukulu, n'aye akesesela peepi neenu » (Shake 4:6-8).

Dafidi alungula Mefiboshete bino : « To tshinanga nya...Okadi naami ku meesa ande mafuku ooso... Anka paapa Mefiboshete babangile kudya na Dafidi ku meesa amune bu umune aku bana ba fumu » (2 Samuele 9:7,10) Mefiboshete, tabaadi mu kibundji kya fumu, mu Yelusaleme bu umune aku bana ba fumu, bu mwina kifuko. Mayi a Dafidi kwi Mefiboshete abaadi a lusa. Efile-Mukulu, eleesha lusa lwaye kwi baaba booso abafiki kwadi kukidila kwi fumuetu Yesu. Efile-Mukulu, mu kalolo kaaye mwibalekyele « mu Kilisto » (Efeso 4:32). Mpolo afundu kwi bena kukumina ba ku efeso « byabya namu tanukii beenyi suunga bakutwe matalwa a bu bena ewumbo'ni nya. Anka nwi bena ewumbo dimune na bena selele na bantu ba mu shibo y'Efile-Mukulu » (Efeso 2:19).

Kalolo k'Efile-Mukulu

« Anka pabamwenekyele kalolo k'Efile-Mukulu, mupaashi eetu, na kifulo kwi bantu, muyile lusa lwayenabeene, pa kusuulwa kwa pakutandjibwa dyakabidi na kukituulwa kupya ku Kikudi-E-Selele » (Tite 3:4-5).

« Talaayi bukata bwa kifulo kitupe Yaya, byatudya, kwitanyinwa'shi mbana b'Efile-Mukulu, ngi pa wawa mwanda senga tayituwuku, mwanda tangimuwukye (1 Yoano 3:1). Baaba booso bakulupile pe fumu Yesu bu mupaashi na bu fumu mbalombeene kwakula'shi : « na ngi bya tudi ».

Lwitanyino Lwa Fumu Yesu

« Talanga, nemwimane pa kibelo na nakokola ; su muntu apusha eyi dyande na ashitula kiibi, nakatwele mwaye na nakadi naaye, naye namu akadi'nami » (Kileseso 3:20) « Buntu bwa fumwetu Yesu Kilisto bwikale nenu ! » (1 Tesalonika 5:28).

©C.E.R.S.-B.P.1673Kananga
République Démocratique Du Congo
Email:3 3eme.cers.lit@gmail.com
<http://www.33eme-cers.org/>